


Dia 13 di Juni 2005...

# Joran a declara na Polis: "Mi ta kere cu Deepak a viola y despues a mata Natalee"!



Joran y Deepak.

ORANJESTAD(AAN) For di documentonan incuestionable, DIARIO a tuma nota di e declaracionnan di Joran van der Sloot cu ta confirma pa motibo di e tempo envolvi, e declaracion di e testigo cu a dicidi di sali padilanti y bisa loke el a mira e madrugada cu Natalee a desaparece estando den compania di e tres sospechosonan envolvi. E testigo a splica cu el a mira nan tur tres, Joran, Deepak y Satish, cu Joran tras di wiel, den e auto cu tabata blokeando e caminda di santo banda di e plas di awa y lodo cerca di Racket Club, cu luznan paga.

El a confirma na Polis cu ora el a sali di su cas pa banda di 2:30 di madrugada, huyendo di e calor intenso di su camber pa bay e cas unda e ta traha y cu si tin aircondition, el a topa cu e auto di e Kalpoe(nan) blokeando e caminda di santo. Pa e por a pasa nan, e mester a subi un elevacion chikito y a pasa asina cerca di e auto den cual e tres sospechosonan tabata sinta, cu e por a mira nan caranan claramente y a reconoce nan for di e tantisimo

potretnan cu el a mira den DIARIO tur e dianan anterior. El a afirma na Polis categoricamente cu tabata entre 2:30 y 3:00 di madrugada dia 30 di Mei.

Dia 13 di Juni, den un declaracion di Joran na Polis, esaki a bisa cu e tin e sospecha cu e sa unda Deepak Sharma Kalpoe a dera e curpa di e mucha muher cu a desaparece, o sea Natalee Ann Holloway, y cu esaki lo a dere bao santo y cu e tabata dispuesto pa indica na Polis unda e lugar ta keda.

Polis a hinke den auto y a bay cune banda di 8'or di anochi pa e muestra nan e lugar. Asina nan a bay e pida beach cu ta keda net panoord di Marriott Hotel. Cerca di e prome Fisherman's hut, e sospechoso a declara cu dia 30 di Mey 2005, banda di 2'or di madrugada, e y e mucha muher cu a desaparece, Natalee Ann Holloway, a bay drumi riba e beach. Djey Joran a declara cu ora

nan tabata gerek riba e santo, Natalee a pega soño y e ora ey Joran a lanta bay lague drumi riba beach cerca di e prome casita di e piscadornan.

Canando dia 13 di Juni cu e agentenan pa muestra nan unda tur cos a sosode, el a declara na nan cu e tin e sospecha cu Deepak Kalpoe a dera e mucha muher ey-banda.

Segun Joran, e sospechoso Deepak Kalpoe a bay back cerca e mucha muher despues cu el a lague na soño riba e beach.

Contestando un pregunta e mesun dia 13 di Juni ey, ta kico e tabata pensa cu a sosode entre Natalee Holloway y e sospechoso Deepak Kalpoe, Joran a declara cu e ta pensa cu e sospechoso Deepak Kalpoe a viola e mucha muher y despues a asesine.

El a declara tur lo anterior den presencia di 4 agente policial activo den e departamento di Recherche.

Kico ta berdad o mentira den henter e caso aki DIARIO ta laga pa Polis, Fiscal y Huez determina. Loke si ta di importancia pa DIARIO ta e hecho cu Joran a declara cu e tabata riba e beach ey pa 2'or di madrugada cu Natalee, y mas importante ainda, cu Deepak tabata cune, pasobra e tin e pensamiento cu Deepak a viola y asesina e mucha muher riba e beach. Kico esaki kier meen?

Pa DIARIO, e ta pone e tempo envolvi den loke sea a pasa cu Natalee e madrugada ey entre 2'or di Madrugada y 2:35 te 3'or, cu ta e ora cu e testigo a mira nan tres sinta den e auto di e Kalpoenan banda di Racket Club, cu ta keda hopi cerca di Marriott Hotel, na e otro banda di caminda. Cu auto bo ta yegue for di Marriott den menos di 30 seconde!

Unda Natalee a keda? Riba beach? Nan a hinke den e bahul di e auto y tabata wardando riba un persona na Racket Club pa yuda nan

deshaci di e curpa? Tur cos ta indicando den e direccion ey. Unda precisamente nan a deshaci nan mes di Natalee no ta conoci, pero si por afirma cu e testigo ta importante pasobra e ta reduci e tempo den cual loke sea a pasa cu e mucha muher ta entre 2:00 y 2:35 a.m. Unda nan a hiba Natalee despues no ta conoci (ainda!), y ken a bin topa cu nan na Racket Club tampoco ta conoci (ainda!).

Y e ta confirma tambe e version di e testigo cu el a mira nan tres den e auto para riba un caminda di santo banda di Racket Club entre 2:30 y 3:00 a.m. Loke ta desmenti cu e Kalpoenan a laga Joran y Natalee na e beach ey y djey a bay cas! Joran mes ta confirma den su declaracionnan cu Deepak tabata cune riba beach 2'or di madrugada dia 30 di Mei y te hasta cu e ta kere cu ta Deepak ta e responsable di e morto di Natalee!

## BANANA CUNE!!



Las Americas

(Near Burger King)  
Playa (Caya Grandi)  
Tel: 582-1576



Tas pa scol  
cuminsando for di  
Afl. 5,=